

za wanachama wa Jumuiya ya Vijana wa CCM kukagua miradi mbalimbali ya mdenetesi kiwamu ya simu, sifa na maji kwenye Kata ya Terrat juzi. **PICHA: GIFT THADEY**

Kiama mtandao wezi wa mifugo chaja NIPASHE UK

*
**Na Godfrey Mushi,
NGORONGORO**

KIKOSI Maalum cha Kuzuia Wizi wa Mifugo Nchini (STPU) cha Jeshi la Polisi kimetangaza kiama dhidi ya wezi wa mifugo nchini ili kutokomeza vitemendo hivyo.

Kwa mujibu wa Kamanda wa STPU nchini, Simon Pasua hatua hiyo imekuja baada ya kupata orodha ndefu ya watuhumiwa hao na wanao-

panga njama za kutekeleza wizi huo.

Kwa mujibu wa Kamanda Pasua, kwa sasa kikosi hicho kinachunguza na kufuatilia mienendo ya watuhumiwa hao wanaowavuruga wafugaji na kuwaachia machungu baada ya kutekeleza uhalifu wao. Kamanda huyo, alitangaza mpango wao huo wakati akizungumza na wananchi waliokubali kuhamza kwa hiyari kutoka eneo

la Mamlaka ya Hifadhi ya Ngorongoro (NCAA) kwenda Kijiji cha Msomera Wilaya ya Handeni mkoani Tanga kupisha shughuli za uhifadhi.

“Naonya na natoa tahadhari achaneni na mipango hiyo. Jamii ya kifugaji inapaswa kutembea kifua mbele kwa sababu kikosi hiki kitahakikisha mifugo inakuwa salama,” alionya na kuongeza kuwa:

“Tayari Jeshi la Polisi kipi-

tia STPU limeweka utaratibu mzuri na Polisi Kata ambao wameshaunda vikundi vyatilini wa mifugo yenu. STPU kimepokea majina ya baadhi ya watu wanaojihusisha na wizi wa mifugo.”

Kwa upande mwagine, Pasua aliiomba jamii ya wafugaji wa Kimasai kuendelea kushirikiana na Polisi hasa kikosi hicho kwa kutoa taarifa baadhi ya watuhumiwa ili chukuliwe hatua.

Ulega awang'oa vigogo mnada wa mifugo Pugu

Na ATHNATH MKIRAMWENI

WAZIRI wa Mifugo na Uvuvi, Abdallah Ulega, ametoa maagizo matatu kwa Naibu Katibu Mkuu wa wizara hiyo, Profesa Daniel Mushi, kuuondoa uongozi wa Mamlaka ya Mnada wa Pugu, kwa kushindwa kufikia lengo la ukusanyaji wa mapato.

Pia, amesema serikali inakwenda kuboresha mfumo wa utambuzi kuwabaini wezi wa mifugo katika maeneo ya minada.

Ulega alitoa kauli hiyo jijini Dar es Salaam, jana, alipotembelea eneo la mnada wa Pugu unaoingiza ng'ombe takribani 1,300, kwa lengo la kubaini changamoto zinazowakabili wafanyabiashara hao.

"Mwondoe msimamizi mkuu, hata daktari wa eneo hilo na watakaofuata wape miezi sita kisha uniletee taarifa kama wanakidhi viwango.

"Niliwahi kuleta timu yangu ambayo ilifanya kazi ya kukusanya mapato katika mnada huu, ndani ya siku 11 walikusanya zaidi ya shilingi milioni 100 na hii inaonesha katika eneo hilo mapato ni makubwa ila baadhi wanajinufaisha," alisema.

Ulega alisema anahitaji viongozi wanaokwenda na malengo ya serikali na kutokana na hilo; alimwagiza Naibu Katibu Mkuu wa Wizara kukagua minada yote mikubwa, kwani anataka watu wanaofanya kazi vizuri kwa sekta ya mifugo.

Alimwagiza kujenga ukuta uliodondoka katika mnada huo ndani ya wiki moja, kufanya tathmini ya ukarabati mkubwa wa vibanda vyatmazizi ya mbuzi na kuboresha mazingira yao.

"Mkifanya tathmini muweke katika bajeti na kuanza ukarabati mara moja, kwani nikirudi hapa sitaki kusikia tena upotevu wa wanyama," alisema.

Alisema takwimu za mwaka jana zinaonyesha biashara ya mifugo na ufgajji imefanya vizuri, ng'ombe milioni 2.2 na mbuzi zaidi ya milioni 1.2 waliuzwa.

Waziri Ulega alisema Tanzania imeanza kuuza nyama nchini Saudi Arabia, hatua hiyo imetokana na mazungumzo ya biashara yaliyofanya na Rais Dk.Samia Suluhu Hassan.

Alisema takwimu za Julai hadi Desemba, mwaka jana, zinaonyesha tani 6,500 za nyama ziliuzwa nje ya nchi na tani 14,000 ziliuzwa

Desemba, mwaka 2022 hadi Juni, mwaka 2023 hivyo jumla ya tani 20,000 kuuzwa nje.

Ulega alisema kutokana na biashara hiyo, sh.bilioni 200 zilipatikana, hivyo aliwataka wafanyabiashara hao kutambua biashara ya mifugo ndiyo mwelekeo wa uchumi utakaokuwa na faida endapo itavunwa na kupelekwa mnadani.

Alisema serikali itandaa mfumo wa kudhibiti wizi wa ng'ombe na kuonya, atakayepatikana kwa njia isiyo halali hatapokelewa katika machinjio yoyote nchini.

SERIKALI YA MTAA

Kwa upande wake, Mwenyekiti wa Serikali ya Mtaa wa Pugu Stesheni, Shukuru Mwinjuma, alitaja changamoto za wafanyabiashara wadogo zinazowakabili ni kukamatwa na mifugo yao kwa madai siyo halali wakati wana vibali vyote.

Alitaja changamoto nyingine ni uhaba wa maji kutokana na mgawo, barabara ya kuingia mnadani kutokuwa na kiwango cha lami, jambo linalochangia wanyama wengi kuumia.

Aliwashauri viongozi kuwajibika katika nafasi zao kuleta maendeleo kwa wananchi, ikiwamo kuongeza ukusanyaji wa mapato.